

## **Kazń k ředowanju pšawow Serbow w Bramborskej (Serbska kazń – Sk)**

wót 07. julija 1994

(GVBl.I/94, [nr. 21], str.294),

we wersiji wózwajjenja wót 11. Februara 2014 (GVBl. I/14, [nr. 07])

Krajny sejm jo wobzamknuł slědujucu kazń:

### **Pšeglěd wopšimješa**

#### Preambla

- § 1 Pšawo na narodnu identitu
- § 2 Pšislušnosć k serbskej narodnosći
- § 3 Starodawny sedleński rum Serbow
- § 4 Serbska chorgoj
- § 4a Kšywowe zwězki serbskich zjadrošćow a towaristwow – pšawo zwězkow na skjarženja
- § 5 Rada za serbske nastupnosći pši Krajnem sejmje Bramborska
- § 5a Zagronita abo zagronity za serbske nastupnosći pši krajnem kněžarstwje
- § 5b Rozpšawa krajnego kněžarstwa
- § 6 Zagronite za serbske nastupnosći pši komunach
- § 7 Kultura
- § 8 Rěc
- § 9 Slěženje a wucba
- § 10 Kubljanje
- § 11 Dwójorěčne napisma w starodawnem sedleńskem rumje
- § 12 Medije
- § 13 Krajne granice pšesegajuće zgromadne žěło
  - § 13 a Zarownanje kostow
  - § 13 b Póstajeńske społnomócnjenje
  - § 13 c Pšechodne póstajenje

## § 14 Wózjawjenje

Dodank Gmejny a žěle gmejnow starodawnego sedleńskego ruma Serbow w casu nabyša płašiwosći kazni

### Preambla

Pśipóznawajucy wólu Serbow, kótarež su wót stolěšow wósebnje we Łužycy doma a kótarež su sebje swóju rěc a kulturu njegłědajucy na wjeleserake wopytowanja asimilacije w běgu stawiznow až do žinsajšnego zdžaržali, swóju identitu teke w pśichože zachowaš a skšusíš,

- wěžecy wó jednoše serbskego luda, kótaregož starodawny sedleński rum jo w Bramborskej a Lichotnem kraju Sakska,
- žiwajucy na to, až jo Zwězkowa republika Nimska mašeriny stat Serbow, jich ako rownopšawne bergarki a bergarjow pśipóznala jo a se stara wó zachowanje, spěchowanje a dalejuwušije jich rěcy a kultury,
- wědobny sebje, až ma kraj wósebnu zagronitosć za šćit, zdžaržanje, woplěwanje a spěchowanje narodneje identity Serbow,
- se procujucy, pśi tom wusko gromadu žělaš z Lichotnym statom Sakska,
- w zajmje zdžaržanja a skšusenja jadnoraznego nimsko-serbskego bikulturelnego charaktera Łužyce,
- spóznawajucy, až stej pšawo Serbow na swóju narodnu identitu ako teke pśizwólenje pšawow narodnych mjeńšynow w celku žěl uniwerselnych cłowjeskich pšawow a pšawa na lichotu,
- žiwajucy na mjazynarodne zawězki k šćitoju a spěchowanju narodnych mjeńšynow, pśiwzetych wót Zwězkoweje republiki Nimska, wósebnje Charty zakładnych pšawow Europejskeje unije, antidiskriminaciskich směrnicy Europejskeje unije ako teke Ramikowego dojadnanja za šćit narodnych mjeńšynow a Europejskeje charty regionalnych a mjeńšynowych rěcow,
- pówołujucy se na artikel 3 Zakładneje kazni a na protokolnu noticu cysło 14 k artikloju 35 Zjadernoškego dogrona a we wuwježenju artikla 25 Wustawy Bramborskeje

wobzamknjo krajny sejm slědujucu kazń:

### § 1

#### Pšawo na narodnu identitu

- (1) W Barmborskej bydlece bergarje serbskeje narodnosći su rownopšawny žěl statnego luda.
- (2) Serbski lud a kuždy Serb ma pšawo, swóju etnisku, kulturnu a rěcnu identitu lichotnje zwuraznjaš, zachowaš a dalej wuwijaš, bžez kuždyckich wopytowanjow, až se pšešiwu swójeje wóli asimilěrujo.
- (3) Serbski lud a kuždy Serb ma pšawo na šćit, zachowanje a woplěwanje swójeje narodneje identity. Kraj, gmejny a zwězki gmejnow w starodawnem sedleńskem rumje Serbow zarucuju toš to pšawo a spěchuju

wuměnjnja, kótarež zmóžniju bergarkam a bergarjam serbskeje narodnosći, swóju rěc a tradicije ako teke kulturne derbstwo zachowaś a dalej wuwijaś. Pši tom ma se zawěsćiś statkowe politiske sobupóstajanje serbskego luda.

## **§ 2**

### **Pśislušnosť k serbskej narodnosći**

K serbskemu ludoju sluša, chtož se k njomu wuznawa. Wuznaše jo wólne a njesmějo se wótprěwaś daniž pśespytowaś. Z toho wuznaša njesměju bergarjeju žedne njelěpšyny nastaś.

## **§ 3**

### **Starodawny sedleński rum Serbow**

(1) Pšawo serbskego luda na šćit, zachowanje a woplěwanje swójjogo starodawnego sedleńskego ruma se zarucyjo. Na wósebny charakter starodawnego sedleńskego ruma Serbow (dalej: starodawny sedleński rum) a na zajmy Serbow ma se pši wugótowanju krajneje a komunalneje politiki žiwaś.

(2) Ako starodawny sedleński rum we zmysle teje kazni płaše bžezwokrejsne město Chóšebuz ako teke gmejny a žěle gmejnow w wokrejsach Damna-Blota, Górne Blota-Łužyca a Sprjewja-Nysa, w kótarychž dajo se dopokazaś wobstawna rěčna abo kulturna tradicija až do pśibytnosći. Nadrobnje wopśimjejo starodawny sedleński rum w casu nabyša płašiwosći kazni k pśeměnjnju kazniskich pśedpisow wó pšawach Serbow w Bramborskej wót 1. junija 2014 te gmejny a žěle gmejnow, kótarež su póstajone w dodanku ku tej kazni.

(3) Změny pśislušnosći gmejny njedowjedu do wustupjenja z pśislušnosći do starodawnego sedleńskego ruma. Pši zjadnošenjach gmejnow wježo pśislušnosť jadneje doněntajšneje gmejny starodawnego sedleńskego ruma k wobstawnej pśislušnosći nastawajucego žěla gmejny do starodawnego sedleńskego ruma. Njamóžo-lic se pši pśesedenju górnistwa dla wobydłarkam a wobydłarjam gmejny abo žěla gmejny, kenž sluša do starodawnego sedleńskego ruma, žedna pśigódna płonina za zasejzasedlenje w starodawnem sedleńskem rumje za § 3 kazni wó wudobywanju brunice w Bramborskej pórucyś, tak se starodawny sedleński rum wó zasejzasedleńsku płoninu rozšyrjo.

(4) Ze starodawnym sedleńskim rumom se póstajijo geografiski wobcerk nałożowanja na region se pósěgajucych napšawow za šćit a spěchowanje narodneje identity Serbow. W jednotliwem paže móžo za nastupnosći Serbow zagronite ministerstwo, na póžedanje gmejny pó napšašowanju danego wokrejsa a Rady za serbske nastupnosći pši krajnem sejmje, pśizwólís pó casu wobgranicowane wuwzeša na region se pósěgajucych napšawow. Wobgranicowanje njedej pšekšocyś cas styrych lět pó pśistupjenju do starodawnego sedleńskego ruma pó § 13 c wótstawk 1.

## **§ 4**

### **Serbska chórgoj**

Serbska chórgoj ma módru, bělu a cerwjenu barwu. Wóna smějo se rownopšawnje ze statnymi symbolami wužywaś.

## **§ 4a**

### **Kšywowe zwězki serbskich zjadnošeństwow a towaristwow – pšawo zwězkow na skjarženja**

(1) Zajmy serbskego luda a bergarkow a bergarjow serbskeje narodnosći móžo na krajnej a komunalnej rowninje wugbaś pšipóznaty kšywowy zwězk serbskich zjadnošeństwow a towaristwow.

(2) Kšywowy zwězk serbskich zjadnošeństwow a towaristwow móžo pšipóznaś za serbske nastupnosći zagronite ministerstwo pó napšašowanju Rady za serbske nastupnosći pši krajnem sejmje, gaž zwězk

1. pó swójjich wustawkach njespěchujo jano wochylnje zajmy serbskego luda,
2. za cas pšipóznaša nanejmjenjej tši lěta wobstoj a w tom casu we zmysle cysła 1 statkował jo,
3. zarucyjo wěcy služece dopołnjenje nadawkow; pši tom ma se žiwaš na wašnju a rozměru donětejšnego statkowanja, clonkojstwo, demokratisku nutšikownu strukturu ako teke na wugbałosć zwězka, a
4. wugbaša wužytnych zaměrow dla pó § 5 wótstawk 1 cysło 9 dankoweje kazni za zjadnošeństwa wót dankow za zjadnošeństwa wuwólnjony jo.

(3) Pó wótstawk 2 pšipóznaty zwězk móžo, bžez tego až jo w swójjich pšawach zranjony, pó póstajenju póřěda zastojnskego sudnistwa zapódaś pšawniske srědki pšešiwu napšawam kraja abo komunalnego regionalnego zjadnošeństwa abo pšešiwu jich njewugbanju, gaž móžo dopokazaś, až stoj napšawa abo jeje njewugbanje w pšešiwjenju k pšedpisam krajnego pšawa, kótarež wobtwaržuju pšawa serbskego luda abo Serbow. Dalokož Serb sam móžo abo by mógał swóje pšawa ze skjaržbu pominaś, njejsu pšawniske srědki pó saže 1 dowólone.

## § 5

### Rada za serbske nastupnosći pši krajnem sejmje

(1) Rada za serbske nastupnosći se wuzwóljo pšecej za jednu legislaturnu periodu krajnego sejma. Toś ta rada wobstoj z pěšoch clonkow. Pó wótstawk 2 wuzwólone clonki rady, powołaju se do amta pšez prezidentku abo prezidenta krajnego sejma. Až do powołanja Rady za serbske nastupnosći dopołnjo jeje nadawki donětejšna rada.

(2) Kšywowe zwězki pó § 4a organizěruju zgromadnje wólne, jadtne, pótajmne a direktne wuzwólwanje clonkow rady a pomjeniju wuzwólowski wuběrk, kótaryž wuzwóljo ze swójjich clonkow wjednicu abo wjednika wólbow. Do wuzwólwanja wopšawnjone su wšykne pó krajnej wuzwólowskej kazni w Bramborskej do wuzwólwanja wopšawnjone Serby. Dupołnjenje tych wuměnjow se pó saže 2 z póžedanim za zapisanim do zapisa wuzwólowskich zwuraznijo. Zapis wuzwólowskich se wježo pšez jedno město, póstajone pó § 4a zgromadnje wót kšywowych zwězkow w jadnom z jich bėrowow. Wólbne naraženja mógu se zapódaś pla wólbneje wjednice abo wólbneho wjednika towaristwow a zjadnošeństwow, kótarež se w swójjich wustawkach ku serbskim cilam wuznawaju. Daś wuzwólowskich mógu se wšykne Serby, kótarež su se za wólbny Rady za serbske nastupnosći pši krajnem sejmje zapisali a kenž su wósymnaste žyweńske lěto dokóncyli. Chtož jo se do zapisa wuzwólowskich zapisal, móžo swójo głosowańske pšawo pšez listowe wuzwólwanje wugbaś. Wólbny wuslědk zwěšćijo wólbny wuběrk. Wuzwólone su te pěšo kandidaty z nejwěcej głosami. Pši rownosći głosow rozsuzijo kjabel, kótaryž šěgnjo wjednica abo wjednik wólbow. Wěcne kósty, trěbne za pšigótowanje a pšewježenje wólbow, njaso Bramborska. Za nutšikowne zagronity clonk krajnego kněžarstwa, dostanjo połnomóc, pó napšašowanju Rady za serbske nastupnosći a w dogronjenju z glownym wuběrkom, zřědowaś dokradnosći, wósebne za wutwórenje wólbnych organow, za wólbne wopšawnjenje, zapis wuzwólowskich, póstajenje wólbneho

termina, wopšawnjenje naraženjow w zmysle sady 5, za pšizwólenje wólbnych naraženjow, pšigótowanje a pšewježenje wólbow ako teke za zarownanje kostow w zmysle sady 11 pšez pšawniske póstajenje.

(3) Rada za serbske nastupnosći póražuju krajny sejm. Wóna ma nadawk, pši wšyknych k wobradowanju stojecych nastupnosćach, kótarež mógu se pšawow Serbow dotyknuś, jich zajmy zachowaś. K tomu dej krajny sejm se jeje dopšašaś. Pši wěstych k wobradowanju stojecych nastupnosćach maju člónki rady póražujujacy głos we wuběrkach. Dokradnosći rěduju jednański pórěd krajnego sejma.

(4) Člónki rady wugbaju swójo zastojnstwo cesnoamtski. Za swójo statkowanje dostanu zarownanje za wudawki.

### **§ 5a**

#### **Zagronita abo zagronity za serbske nastupnosći pši krajnem kněžarstwje**

Krajne kněžarstwo pomjenijo zagronitu abo zagronitego za serbske nastupnosći. Wóna abo wón pódpěruju koordinaciju ministerstwow we wšych Serbow nastupujucych pšašanjach.

### **§ 5b**

#### **Rozpšawa krajnego kněžarstwa**

Krajne kněžarstwo póda jo krajnemu sejmoju srjež wólbneje periody rozpšawu wó položenju serbskego luda w kraju žiwajuce na mjazynarodne zawězki za šćit serbskeje rěcy a kultury. Rozpšawa wopšimjejo wobstojnosći, analizěrujo statkownosć spěchowanja serbskeje rěcy a kultury a wugronijo se k pšedewzešam krajnego kněžarstwa.

### **§ 6**

#### **Zagronite za serbskenastupnosći pši komunach**

(1) Pši amtach, bžezamtowych městach a gmejnach ako teke pši wokrejsach w starodawnem sedleńskem rumje ma se w ramiku komunalnego samozastojanja pómjeniš zagronita abo zagronity za serbske nastupnosći abo se póstajiš druge, pšigódnje napšawy k zachowanju zajmow Serbow.

(2) Zagronita abo zagronity za serbske nastupnosći zastupuju zajmy Serbow. Wóna abo wón jo pšigranjański partnař za Serbow a spěchuju spomóžne zgromadne žywenje mjazy serbskeju a njeserbskeju ludnosću. § 19 wótstawk 2 a 3 komunalneje wustawy Bramborskeje plaši wótpowědnje.

### **§ 7**

#### **Kultura**

(1) Bramborska šćita a spěchuju serbsku kulturu. Zawězk spěchowanja serbskeje kultury dopołnijo kraj wósebnje pšez swójo wobželenje na Załožbje za serbski lud.

(2) Gmejny a zwězki gmejnow w starodawnem sedleńskem rumje zapšimuju serbsku kulturu wótpowědujuce do swójeje kulturneje žělabnosći. Wóni spěchuju serbske wumělstwo, wašnje a nałogi ako teke wót tradicije a tolerance pšegowane zgromadne žywenje jich wobydłarkow a wobydłarjow.

## **§ 8**

### **Rěc**

(1) Kraj pšipóznajo serbskej rěcy, wósebnje dolnoserbsku rěc, ako wuraz duchnego a kulturnego bogatstwa kraja a wuskobožijo, aby ju wužywali. Jeje wužywanje jo wólne. Jeje wustne a pisne naložowanje w zjawnem žywjenu se šćita a spěchujo.

(2) W starodawnem sedleńskem rumje ma kužda wobydlarka a kuždy wobydlaf pšawo, naložowaš serbsku rěc w krajnych zastojnstwach, w jogo doglědoju pódstojecych zjadnošeństwach, institucijach a založbach zjawnego pšawa ako teke pšed zastojnstwami gmejnow a gmejnskich zwězkow. Wužywa wóna abo wón to pšawo, statkujo to rowno tak, ako by wóna abo wón wužywał nimsku rěc. Na w dolnoserbskej rěcy stajone pšosby, móžo se w dolnoserbskej rěcy wótegroniš a wó nich rozsuziš. Kosty abo dalšne njelěpšyny njesměju wobydlarce abo wobydlarjoju nastaš.

## **§ 9**

### **Slěženje a wucba**

Kraj spěchujo slěženje a wucbu na pólu dolnoserbskeje rěcy ako teke na pólu stawiznow a kultury Serbow. Wón na toš tom pólu wusko z Lichotnym krajom Sakska gromaže žěla.

## **§ 10**

### **Kubljanje**

(1) Žišam a mložinje w starodawnem sedleńskem rumje, kótarež sebje sami abo jich starjejše to žyce, ma se zmóžniš, dolnoserbsku rěc nawuknuš. Nosarje góletkownjow, žišownjow a šulow w starodawnem sedleńskem rumje maju winowatosć, zawcasa starjejšych ako teke wuknice a wuknikow wó móžnosćach nawuknjenja a woplěwanja dolnoserbskeje rěcy informěrowaš.

(2) W góletkownjach, žišownjach a šulach w starodawnem sedleńskem rumje maju se serbske stawizny a serbska kultura starstwu wótpowědujucy do wugótowanja graša a kublańskego žěla zapšěgnuš.

(3) Kraj spěchujo w kooperaciji z Lichotnym krajom Sakska w ramiku wucabnikojskego kubljanja kwalifikaciju wucabnikow w dolnoserbskej rěcy a za bilingualnu wucbu, aby dojšpili kublańske cile pó wótstawku 1. Pši tom ma se zarucyš wótpowědujuce rěcno-praktiske a didaktiske wukubljanje ako teke pósrědnjenje dolnoserbskich znašow na pólu rěcnych, literaturnych, stawizniskich a kulturnych wědomnosćow.

(4) Za wótkubłarki a wótkubłarjow w góletkownjach a žišownjach spěchujo kraj wukubljanje, do- a dalejkubljanje w dolnoserbskej rěcy.

(5) Kraj zarucyjo pósrědnjenje znašow serbskich stawiznow a kultury w ramiku wukubljanja, do- a dalejkubljanja wótkubłarkow a wótkubłarjow a wucecnych. Wón wabi za pomjenjone pórucenja wukubljanja, do- a dalejkubljanja.

(6) Na šulach z dolnoserbšćinu ako wuwucowańskeju rěcu maju se zasajziš wucabnice a wucabniki, kótarež dolnoserbsku rěc wobkněžyju.

(7) Z dalejkublańskimi pórucenjami za dorosćonych spěchujo se zachowanje a woplěwanje serbskeje rěcy a kultury.

(8) W starodawnym sedleńskim rumje statkujō kraj na to, aź se źiwa na nastupności Serbow ako teke na pśiswójenje dolnoserskich rěcnych znajobnoścōw w pōrucenjach za wukubłanje a dalejkubłanje pśistajonych w zjawnych zastojnstwach, a wón za toś te pōrucenja wabi.

## **§ 11**

### **Dwójorěcne napisma w starodawnym sedleńskim rumje**

(1) Zjawne twarjenja a institucije, drogi, puše, naměsta, mósty a wejsne a měšćańske tofle w starodawnym sedleńskim rumje ako teke pokazowańske tofle maju se w nimskej a serbskej rěcy wóznamjeniš.

(2) Bramborska statkujō na to, aź dostanu teke druge twarjenja w starodawnym sedleńskim rumje nimske a dolnoserske napisma, tak daloko ako maju za zjawność wuznam.

## **§ 12**

### **Medije**

(1) W programje zjawno-pšawniskich medijow ma se wótpowědujcy na serbsku kulturu a rěc źiwaś.

(2) Bramborska statkujō na to, aź se na serbsku kulturu a rěc teke w priwatnych medijach źiwa.

## **§ 13**

### **Krajne granice pśesegajuće zgromadne źěło**

Bramborska spěchujō kulturnu wuměnu mjazy Serbami Dolneje a Górneje Łużyce. Togo zaměra dla krajom wusko gromadu z Lichotnym krajom Sakska źěła. To pótrjejijo pśede wšym krajne granice pśesegajuće statkowanje institucijow za woplěwanje a wuslěženje rěcy, kultury a stawiznow Serbow ako teke institucijow ze serbskimi kubłańskimi pōrucenjami. Kraj zapśimjejo serbske towaristwa a institucije do swójojo zgromadnego źěła z drugimi zwězkowymi krajami a drugimi statami.

## **§ 13a**

### **Zarownanje kostow**

Kraj zarucyjo gmejnam w starodawnym sedleńskim rumje finacialne zarownanje za wuše wudawki, zwězane z nałożowanim teje kazni. Zarownaju se

1. zastojńske wudawki, kótarež nastawaju pśez nałożowanje dolnoserskeje rěcy (§ 8);
2. wudawki za dwójorěcne napisma na zjawnych twarjenjach a institucijach, drogach, puśach, naměstach, móstach a na městnych toflach (§ 11).

Zarownanje se měri pó dodatnych wudankach.

## **§ 13b**

### **Póstajeńske społnomócnjenje**

(1) Za nutšikowne zagronity člónk krajnego kněžarstwa dostanjo połnomóc, w dogronjenju ze zagronitym wuběrkom za nutšikowne krajnego sejma a z Radu za serbske nastupnosći, pšez pšawniske póstajenja dokradnosći za pšewježenje § 8 ředowaš.

(2) Zagronity člónk krajnego kněžarstwa za šule, góletkownje a žišownje dostanjo połnomóc, w dogronjenju z pšislušnym wuběrkom krajnego sejma za šule, góletkownje a žišownje a z Radu za serbske nastupnosći pšez pšawniske póstajenja dokradnosći k § 10 ředowaš.

(3) Zagronity člónk krajnego kněžarstwa za wobchad dostanjo połnomóc, w dogronjenju z pšislušnym wuběrkom krajnego sejma za wobchad a z Radu za serbske nastupnosći pšez pšawniske póstajenja dokradnosći k § 11 ředowaš.

(4) Zagronity člónk krajnego kněžarstwa za nastupnosći Serbow dostanjo połnomóc, w dogronjenju z pšislušnym wuběrkom krajnego sejma za nastupnosći Serbow a z Radu za serbske nastupnosći dokradnosći za wugótowanje póstupowanja za pruwowanje a plašenje wót žěla wótwisnych zarownaškich pjenjez pó § 13a pšez pšawniske póstajenje ředowaš.

Za pady, w kótarychž zapise minjonych etatowych lět prognozu za pšiduce lěto dowoliju, móžo se w pšawniskem póstajenju ředowaš, až se póstajijo na personalne a wěcne kósty orientěrowana lětna pawšala a na póžedanje ako wótrowanje dodatnych kostow za jedno lěto pšizwólijo.

Pó zakóńcenju wobeju předneju połneju etatoweju lětowu nałožowanja kazni wó změnach pšawniskich póstajenjow wó pšawach Serbow w Bramborskej z dnja 22. januara 2014 maju se zarownananja kostow celkownje ewaluěrowaš.

### **§ 13c**

#### **Pšechodne póstajenje**

(1) Za nastupnosći Serbow pšislušne ministarstwo móžo na póžedanje jadneje gmejny abo Rady za serbske nastupnosći w wobjadnosći z głownym wuběrkom krajnego sejma póstajis změny starodawnego sedleńskego ruma. Rozsužijo se pó napšašowanju daneje gmejny, danego wokrejsa, pšipóznatych kšywowych zwězkow Serbow ako teke Rady za serbske nastupnosći. Jo-lic pšislušne ministarstwo ako rezultat pšespytowanja póžedanja zwěščijo, až w kazni zapisane wuměńjenja za pšislušnosć k starodawnemu sedleńskemu rumoju njepředlaže, ma se krajny sejm wó tom informěrowaš. Cas za póžedanja pó saže 1 zakóńcy se 24 mjasecow pó nabyšu plašiwosći teje kazni.

(2) Za nastupnosći Serbow zagronity člónk krajnego sejma dostanjo połnomóc, w dogronjenju z głownym wuběrkom krajnego sejma a z Radu za serbske nastupnosći pšez pšawniske póstajenja dokradnosći k stajenju a pšespytowanju póžedanjow pó wóstawku 1 ředowaš.

### **§ 14**

#### **Wózjawjenje**

Toš ta kazń se w nimskej a serbskej rěcy wózjawijo.

**Dodank**

Gmejny a žěle gmejnow w starodawnem sedleńskem rumje Serbow za cas nabyša plašiwosći kazni.



1. Briesen / Brjazyna
2. Burg (Spreewald) / Bórkowy (Błota)
3. Byhleguhre-Byhlen / Běla Góra-Bělin
4. Cottbus / Chóšebuz
5. Dissen-Striesow / Dešno-Strjažow
6. Drachhausen / Hochoza
7. Drebkau / Drjowk
8. Drehnow / Drjenow
9. Felixsee – Ortsteil Bloischdorf / Feliksowy jazor – wejsny žěl Blobošojce
10. Fort (Lausitz) – Ortsteil Horno / Baršč (Łuzyca) – měścanski žěl Rogow
11. Guhrow / Góry
12. Heinersbrück / Móst
13. Hornow-Wadelsdorf / Lěšće- Zakrjejc
14. Jänschwalde / Janšojce
15. Kolkwitz / Gołkojce
16. Lübbenau/Spreewald / Lubnjow / Błota
17. Neu Zauche /Nowa Niwa
18. Peitz / Picnjo
19. Schmogrow-Fehrow / Smogorjow-Prjawoz
20. Spremberg / Grodk
21. Straupitz /Tšupc
22. Tauer / Turjej
23. Teichland / Gatojce
24. Turnow-Preilack / Turnow-Pšituk
25. Vetschau/Spreewald / Wětošow/Błota
26. Werben / Wjerbno

27. Welzow – Ortsteil Proschim / Wjelcej –měšćański žěl Prožym

28. Wiesengrund – Ortsteil Mattendorf / Łukojce – wejsny žěl Matyjojce

Prezident krajneho sejma

Gunter Fritsch